

# A

ANT. AD INTROITUM

Ps 26, 14

Exspécta Dóminum, viríliter age;  
et confortétur cor tuum, et sústine Dóminum. (T.P. Allelúa.)

## COLLECTA

Omnípotens sempitérne Deus, fervens humáni cordis desidérium, † réspice benígnus pópulum tuum per hoc grátiæ tempus peregrinántem, \* ut, Christo refúgio salútis suæ coniúnc tus, ad beátæ spei finem felíciter adveníre possit. Per Dóminum.

## SUPER OBLATA

Oblatiónes familiæ tuæ, quásumus, Dómine, súscipe miserátus, † ut, sub tuæ protectiónis auxilio, \* et colláta non perdat, et ad ætérrna dona pervéniat. Per Christum.

## PRÆFATIO

Christus, spes unica

- ℣. Dóminus vobíscum.  
℟. Et cum spíritu tuo.  
℣. Sursum corda.  
℟. Habémus ad Dóminum.  
℣. Grátiás agámus Dómino Deo nostro.  
℟. Dignum et iustum est.

Vere dignum et iustum est, æquum et salutáre, nos tibi semper et ubíque grátiás ágere: Dómine, sancte Pater, omnípotens æterne Deus: Hoc témpore grátiæ, filios tuos in unam familiáliam cóngregas, ut, vitæ Verbo illustráti, mystérium Fílli tui crucifixi et resurgéntis summo gáudio célebrent.

Ipse, salus semper imploráta sempérque exspectáta, omnes ad mensam suam vocat, cónporis ac spíritus vúlnera sanat, contristátis lètitiam donat. Propter hæc ómnia benevoléntiæ tuæ signa, viva fide ad certiórem spem renáscimur et nosmetípsos frátribus offérimus efficáci dilectione, Dóminum, donec véniat, præstolántes.

Per quem, cum Angelis et ómnibus Sanctis, hymnum laudis tibi cánimus, sine fine dicéntes:

Sanctus, Sanctus, Sanctus ...

**ANT. AD COMMUNIONEM****Cf. Lc 4, 18. 19**

Spíritus Dómini super me; evangelizáre paupéribus misit me, et prædicáre annum Dómini accéptum. (T.P. Allelúia.)

**POST COMMUNIONEM**

Deus, qui nos uno pane réficiis et única spe susténtas, tua nos páriter grátia corróbora, † ut, facti unum in Christo corpus et unus spiritus, \* ad glóriam cum ipso resurgámus. Qui vivit et regnat in sǽculórum.

**BENEDICTIO SOLLEMNIS**

Benedícat vobis Dóminus, et custódiat vos.

℟. Amen.

Illúminet fáciem suam super vos,  
et misereártur vestri.

℟. Amen.

Convértat vultum suum ad vos,  
et donet vobis suam pacem.

℟. Amen.

Et benedictio Dei omnipoténtis, Patris, et Fílli, + et Spíritus Sancti, descéndat super vos  
et máneat semper.

℟. Amen.

**B****ANT. AD INTROITUM****Ps 89, 1-2**

Dómine, refúgium factus es nobis a generatióne et progénie; a sǽculo, et in sǽculum tu es. (T.P. Allelúia.)

**COLLECTA**

Deus, qui in plenitúdine téporum Fílium tuum in mundum misísti Salvatórem, † concéde, quásumus, \* ut in hoc sǽculo peregrinántes lux paschális eius mystérii ad te, únicam spem nostram, ducat. Per Dóminum.

**SUPER OBLATA**

Quæ tuis altáribus exhibémus, Dómine, hunc annum sanctum lætánter celebrántes, † sint tibi múnera accépta, ut ipsíus æternitátis mereámur esse consórtes, \* qui mortalitatémem nostram sua mortalitaté curávit, Iesus Christus, Dóminus noster. Qui vivit.

## PRÆFATIO

Christus, spes vera

- ℣. Dóminus vobíscum.  
℟. Et cum spíritu tuo.  
℣. Sursum corda.  
℟. Habémus ad Dóminum.  
℣. Grátias agámus Dómino Deo nostro.  
℟. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere:  
Dómine, sancte Pater, omnípotens aëterne Deus: per Christum Dóminum nostrum.

Qui Fílius tuus, ante sáecula génitus, natus est in témpore de María Vírgine, et a  
Spíritu Sancto unctus, in nómine tuo annum grátia prædicávit: consolatióne míseris,  
captívis redemptiónem, toti déniqe humáno géneri salútem et pacem. Ipse enim única  
est spes vera quæ ómnium excédens exspectatióne, univérsa sáecula irrádiat.

Et ídeo, cum Angelis et Sanctis univérsis, te collaudámus, sine fine dicéntes:

Sanctus, Sanctus, Sanctus ...

## ANT. AD COMMUNIONEM

Tit 2, 12-13

Iuste et pie vivámus in hoc sáculo,  
exspectántes beátam spem et advéntum glóriæ magni Dei. (T.P. Allelúia.)

## POST COMMUNIONEM

Sanctíficet nos, quásumus, Dómine,  
mensa tua participáto, et præsta,  
ut, quam Unigénitus tuus in cruce operátus est salútem,  
omnes gentes per Ecclésiæ tuæ sacraméntum gratánter accípiant.  
Per Christum.

## ORATIO SUPER POPULUM

Adést, Dómine, supplícibus tuis  
et spem suam in tua misericórdia collocántes tuére propítius,  
ut in sancta conversatióne tibi fidéles permáneant,  
et, consequéntes sufficiéntiam temporálem,  
promissiónis tuæ perficiántur herédes in aëternum.  
Per Christum.

℟. Amen.

Et benedictio Dei omnipoténtis,  
Patris, et Fílii, + et Spíritus Sancti,  
descéndat super vos et máneat semper.  
R. Amen.

C

**ANT. AD INTROITUM**

**Tit 3, 5.7**

Deus salvos nos fecit per lavácrum regeneratiónis  
et renovatiónis Spíritus Sancti,  
iustificáti grátia ipsíus  
herédes simus secúndum spem vitæ ætérnæ.  
(T.P. Alleluia.)

**COLLECTA**

Deus, qui humáno géneri per Filium Unigénitum  
et salútis remédium et vitæ ætérnæ donum contulísti,  
concéde ómnibus in ipso renátis  
et velle quæ præcipis et posse,  
ut pópulus ad regnum tuum vocáitus  
sit in fide stábilis, spe gaudens, et in caritaté éfficax.  
Per Dóminum.

**SUPER OBLATA**

Réspice, Dómine, in fáciem Christi tui,  
única spes nostra,  
qui pro ómnibus redemptiónem trádidit semetípsum,  
ut per eum ab ortu solis usque ad occásum  
nomen tuum magnificétur in géntibus,  
et una ubíque maiestáti tuæ exhibeátur oblátio.  
Per Christum.

**PRÆFATIO**

**Christus, Deus et homo, Salvator omnium**

- V. Dóminus vobíscum.  
R. Et cum spíritu tuo.  
V. Sursum corda.  
R. Habémus ad Dóminum.  
V. Grátias agámus Dómino Deo nostro.  
R. Dignum et iustum est.

Vere dignum et iustum est, æquum et salutare,  
nos tibi semper et ubique gratiias agere:  
Dómine, sancte Pater, omnípotens æterne Deus:  
per Christum Dóminum nostrum.

In ipso enim promissiones tuæ véteres adimpléntur,  
umbra cedit lúmini,  
mundus iam renovátur,  
et homo nova fit creatúra.

Per oblationem sui semel in cruce factam,  
filios tuos, qui erant dispersi,  
vóluit in unum congregáre;  
et exaltátus in glória, primogénitus in multis frátribus,  
spem æterni gáudii nobis pandit.

Unde et nos, Dómine, cum Angelis et Sanctis univérsis,  
tibi confitémur, in exsultatióne dicéntes:

Sanctus, Sanctus, Sanctus ...

**ANT. AD COMMUNIONEM**

**Mt 28, 20**

Ecce ego vobíscum sum ómnibus diébus,  
dicit Dóminus,  
usque ad consummatiÓnem sáculi. (**T.P.** Allelúia.)

**POST COMMUNIONEM**

Caelésti pane roboráti, quásumus, Dómine,  
ut, Evangélio vitæ iúgiter adhæréndo,  
ferméntum vivíficans  
et salútis instruméntum humáno efficiámur consórtio.  
Per Christum.

### BENEDICTIO SOLLEMNIS

Pax Dei, quæ exsúperat omnem sensum,  
custódiat corda vestra et intellegéntias vestras  
in sciéntia et caritáte Dei, et Fílii sui,  
Dómini nostri Iesu Christi.

R. Amen.

Et benedictio Dei omnipoténtis,  
Patris, et Fílii, + et Spíritus Sancti,  
descéndat super vos et máneat semper.

R. Amen.

## LECTIONES PRO LITURGIA VERBI

### LECTIO I

**Is 61, 1-3a. 6a. 8b-9**

*Unxit me Dominus et evangelizare pauperibus misit me, et dare eis oleum gaudii.*

Spiritus Domini Dei super me ... 3 usque ad spiritu maeroris. 6 usque ad dicetur vobis. 8  
Dabo opus eorum ...

*vel*

**Rm 5, 5-11**

*Caritas Dei diffusa est in cordibus nostris.*

Fratres: Spes non confundit ...

### PSALMUS RESPONSORIALIS

**Ps 88, 21-22. 25 et 27**

**℟.** (cf. 2a): Misericordias tuas, Domine, in æternum cantabo.

### VERSUS ANTE EVANGELIUM

Cf. **Lc 4, 18:** Spiritus Domini super me;  
evangelizare pauperibus misit me.

### EVANGELIUM

**Lc 4, 16-21**

*Misit me praedicare annum Domini acceptum*

In illo tempore: Venit Iesus Nazareth ...